


مجموعه آثار آیت الله العظمی

ادبی و سیاسی رساله اسبوعیه در
۳۰ نجی سنه



۱۵ شعبان المعظم ۱۳۲۹

پنجشنبه

جزء عدد : ۱۰۸

۱۰ و ۱۱ تموز حریقاری ایله

سیغورطه لری

اون تموزده کی حریق کبر ایله ۱۱ تموزده وقوع بولان (بلاط) حریقنده
سیغورطه قومپانیه لرینه ترتبیدن زیان ایجه مهمدرکه مملکتتمزده (آسورانس)
شرکتلرینک اثبات موجودیت ایتدیکی تاریخدن بری بوقدر عظیم برضرره
اوغرا دقلری کورلما مشدر .

المزه بکن بر رسمی ایستاتیسقیقه نظراً بو حریقلرده ۴۷ سیغورطه شرکتی
متضرر اولمش واک بیوک ضرره (عثمانلی سیغورطه شرکتی) اوغرا مشدر . چونکه
آنک حصه زانی تام ۴۷,۰۰۰ انگلیز لیراسیدر .

سالف البیان ۴۷ سیغورطه شرکتتک اصحاب بیوت و امواله تأدیه ایتدیکی
مبلغ یکونی ایسه ۴۷۵,۷۵۰ انگلیز لیراسیدرکه یارم میلیون کسور عثمانلی لیراسنه
ویاخود ۱۱,۹۰۳,۷۵۰ فرانغه بالغ اولمقدهدر .

سیغورطه قومپانیلری بوزیانی بریحیق سنهده قاپانه یلک ایچون برتدیر
دوشمشلردرکه اوده (آسوره) ایتدکاری املاک و امواله بومدت ظرفنده اولکی
فیثانه یوزده الی ضمن عبارتدر .

سیغورطه لرك فوآندی بوندن قرق سنه مقدمه قیاساً خلقجه ادراك وتسليم
اولمش اولدیغه بو حریقده قومپانیه لرك تأدیه ایتدیکی یارم ملیون لیرا بر برهان بدیهی
عداولتور . چونکه ۱۸۶۵ ده وقوع بولان خواجه پاشا حریق ۱۰ تموز حریقنک
ایکی مثلی قدر عظیم اولدیفی حالده اوتار یخده استانبولده موجود سیغورطه شرکتلرندن
هیچ بری بر آقچه زیان ایتمامشدی .

۱۸۷۰ بک اوغلی حریقده کی زیان بش میلیون لیرا تخمین اولنمش و قومپانیالر
۲۰۰ کسور بیک لیرا متضرر اولمشدر .
ایشته بوتاریخدن صکره سیغورطه لارک فائده و اهمیتی استانبول خلقجه ادراک
و تصدیق اولنمغه باشلامشدر .

§

سان فرانسزو زلزله سنک باعث اولدینی زیان ۷۰ میلیون انکلیز لیراسی
اوله رق بونک ۴۷ میلیون لیراسنی سیغورطه لر اوده مش و بو ۴۷ میلیوندن
انکلیز سیغورطه قومپانیه لری حصه سنه ۱۳ میلیون لیرا اصابت ایتمشدر .
۱۸۷۲ ده شیکاغوده وقوع بولان حربقدن طولایی آمریکا سیغورطه لری
۵۰ میلیون انکلیز لیراسی متضرر اولمشدر .
هر حالده زمانمزده هر درد واقعه بر چاره دافع آرا مقدمه امال ایتمیان خواص
مدنیهدن بریده بالخاصه حریق قارشی اولان (آسورانس) شرکتلریدرکه
علاج واقعه پیش از وقوع باید کرد
تدبیرینک بر تطبیق مادیسیدر .

